

# OMUKWETU



Oshifo shOngerki onkwaevangeli paLuther yomOwambokavango/Die Tydskrif van die Evangeliese Lutherse Ovambokavango Kerk

No. 2

JANUALI

1968

EDHILILA OMUPOSI, MU ULUKILA ONDJILA NUUMVO



Mat. 8: 14-17.

## ONKUNDANA ONENENENE YUUYUNI AUHE

Pomasiku gahugunina gaDesemba, uuyuni auheuhe owa tsakanene medhiladhilo nomoshitsa shimwe sha kwata akuhe, osho Okrimesa. Aakriste ayehe yomomaitaalo agehe gomaludhi, apagani naadhnikalunga naatangalali ayehe, aanenentu naathigona ayehe, aayelege wo momakuti noonkwatwa mondholongo naakuhe oya dhana oshituhi oshinene shevalo lyOmuwa gwegulu nevi Jesus Kristus, ngaashi ye li uvite ko.

Nonando mOkrimesa aantu haa kala nomalalakano ogendji ga pingathana nelalakanodhiladhilo lyOkrimesa lyokuhupitha aantu, onkene ayehe oya kwatwa koonkondo dhoshituthi. Osho oshituthi, shoye noshandje, shetweni atuhe. Kutse kwa tumwa, kwa valelwa omumangululi te tu mangelula moondjo.

Ompapa muRoma nosho iigongipangelo yoongerki dhimwe noshongongahangano yaAakwalutheri oya indile ku gundjilwe thilu, aantu ya dhane oshituthi shOkrimesa. Kwa indilwa wo mboka ye niita, ya gundjile koshipala shOmuwa mOkrimesa.

Nangoye, natse sho tu niita momwenyo dhetu otatu indilwa tu gundjilike okukala kwetu koshipala shOmuwa.

## ONGHUNDANA YOMEONGALO ONDOBE MOUKWANYAMA

Ovakulukadi ova xwama nde ova hala okulonga oshilongatumo. Va kundafana nde va nyolifa omadina avo. Oudwali pwa holoka yo omadina mahapu nehanganano lovakulukadi neudo otali kulu. Ombilive ya nyolwa komufitaongalo womOndobe, ya eta onghundana iwa tai xwameke ovakulukadi ovakriste mongerki aische, otai shikula apa:

Omadina 22 ovakulukadi Ovandobe va hala okulinyolifa mEhangano lovakulukadi mokulonga oshilonga shetumo.

Omadina aa okwa tumwa kOmukwetu: Maria Shipiki, Hendrina Nghinaunye, Lusua Nangolo, Wilhelmina Haihambo, Mirjam Haufiku, Albertina Nghitiwa, Emma Shaduka, Justina Jairus, Mirjam Kafo, Saara Natanael, Elisabet Shaduka, Rakel Abel, Hilja Hamutenya, Natalia Mwangeshapwa, Justina Haihambo, Julia Mateus, Ndeuyakuye Mutumbulwa, Suoma Elias, Sessilia Kapani, Anna Paulus, Linda Vilho, Rakel Hengombe.

Ovakulukadi ava ove li nyolifa mEhangano lovakulukadi lokulonga oshilonga shetumo manga va li monhandu ya ningwa mOkauva e ti- 1-5.11.67. Omo va li ve li kwatelelela metumbulo eli: "Ame ohandi mu pe etulumuko." Mat. 11.28.

Omuwiliki wonhandu.

F. Shikomba.

Jesus eshi a dalelwa mounyuni, otashi ti ekwafo alische, exupifo alische, olo omunhu te li pumbwa lokolutu nokomwenyo ola dalelwa mounyuni nombelela aische otai xupifwa molwomhito oyo. Efyo lokolutu olo omunhu te li mono molwoulunde ola findwa kuKristus. Efyo yo lokomwenyo ola te wa filu muJesus nde itali hange nande ovo tave mu linekele. Ohatu leshe: "Efyo, eenghono doye odi li peni? Efyo, eonga loye oli li peni? Efyo ola findwa sheke."

Nande ohatu vele mounyuni nde ohatu fi, otu nomwenyo menyumuko. Nomounyuni ou Jesus okwa nyumuna ovanhu nde okwe va velula komaudu. Osho a lombwela omufi Lasarus a ti: "Lasarus, dja mo" nde osha ningwa. Osho a lombwela oshingundu: "Fikama kufa olutala loye u ende," ndele osha ningwa. Osho a kuma inamweno yaPetrus nde mokafimbo olwiidi olo la li tali mu kame ole mu fiya po. Osho a velula vahapu nde okwa twikulula ovapofi nde a taataamo eemhepo

### VANA VANDIBA IHAVA KALA OSHIXWA SHIMWE

Eshi ndi li kOushimba mehala-kano pamwe neumbo lange, otwa tumwa Olivia Ndahafa wetu koskola yokaumbo kuTshandi, Uukwaludhi 1963. Olivia yetu e limonena ko oomeme vaye: Magdalena Johannes, Uukolo-

danyata. Ounyuni mokukala naJesus otai hakulwa komalutu nokeemwenyo.

Omwenyo wa ngona ote u koleke. Omwenyo u nomatimba mahapu Jesus e neenghono okudima muvo omatimba aeshe. Omatimba aeshe nande a kale atilyana ngohonde, ote a dimi po nde ote a yelege ngomaegele omongwa. Osho vahapu Ovawambokavango yo eshi ve nomaudu omaludi mahapu, ve nolwiidi lolunde nde ova ngona meitavelo, ve li ovafi mokukala kwavo, Jesus ote va teelege nawa nde ote va kwafa nawa. Ote va hakula nde ote va nyumuna. Omwenyo wOmuwambokavango nge ova nyanyauka nde u noudjuu, ote u pe etulumuko. Omulunde nge ta kongo edimepo lomatiimba, meitavelo ota lombwelwa kuJesus: Fikama yela, nosho: Omatimba oye okwa dimwa po, inda ndele inonyona vali. Nomomudo ou mupe ondjovo yaJesus aike nge hatu i taale nawa, otai tu tungile momukangha Jesus.

L. M. Shemuvalula.

nkadhi, Loide Iilende, Ongandjera, Lahja Angolo, nosho tuu.

Omudo 1965 Olivia yetu a twikila Oseminari mOkahao, Ongandjera. Naa ko e limonena ko oomeme vaye: Kefas Shaanika, natate nameme Toivo Shijagaja, Andreas Shaanika, Anna Sakaria, meme Iikonika, omumwaina wa Iikonika, omukulukadi, naLiina Mpanda, nosho tuu. Aveshe ove mu yakula nawa.

Ohandi mu shiivifile ne kutya, Olivia wetu ota longo oskola meongalo Onguediva. Oomeme nootate omwe tu yakulila okaana ketu. Mwa kuminina ko ponhele yetu. Omwene ne mu yakule yo, meemhumbwe deni adische, nomoukriste weni aushe.

Tate nameme Malakia Hauuanga. Tsumeb.



Ovawiliki vovanyasha mOvenduka

## KOAVIYAUKI VOVANHU MUISUIDWES

Omwene etu pa va li omhito iwa 1968 tu yakule oshiwana shaye. Meemina, meendjila olutenda, meefalama, meendoolopa, nosho tuu. Ovayakuli vakwetu, Omwa pewa eyakulo linene. Otamu yakula omambo eni, ta mwaa kongele oipalwifa, na otamu yakula



M. Hauuanga

## OMWENE OTA KWAPA MOMAPUKO

Ngenge tu li momapuko, moudju nomoupyu, tu ufaneni Omwene. Oye ta dimine po aveshe tave uya kuye. Ohatu pumbwa tu liyandje nomwenyo aushe.

Omutondi satana ota dingilile naye, a fa embungu tali dingilile oshunda shoikombo. Oye ota endelele okupukifa nokupundula. Onawa hatu kala moulifilo wOmwene, osheshi ngenge tu li mo, itatu hepa sha. Ohandi mu kundu nawa.



J. Halweendo

## OMASHINA GI IDHENGE MUMWF

STAFFORD.- Konyala aantu 11 oya sa naantu 40 oye ehamekwa komalutu, sho eshina li idhenge mololi yofulaha. Opwa li olwaanyuko olunene.

yo eemwenyo dovamati. Vahapu va mona Omwene, keyakulo leni. Ongerki yakula, eshi mwa nyamekifa eemwenyo dovapaani omashinishini inamu yasha. Osho nga Jesus Kristus e li monena ko ovahongwa meudifo leni, nomeilikaneno leni. Onghe hano ongerki ei, ya kula neulumo. Shaashi keshe omuyakuli muyo, ota tekele oimeno, tava longo vakwao eendada, omaimbilo, eeshikola deshasho, nodomakoleko, vamwe tava longo okuyandja, ngaashi ovamati vetu tava tumo omaano kOshikefa shetumo. Omolwovapaani mOwambo, nosho tuu.

Kalunga na hambelelwe. Ponhele yovakulunhu veongalo, novayakuli aveshe ovo va tetekelele, keekomboni dinya kEtyai laNalweendo, Okawe kambae, Opumuna, Omatete, Otaushilala. Ovayakuli, ovo va fa va xula po. Nde twa pewa nye, ta mu twikile pefimbo letu, oshilonga sheyakulo mongerki yeni. Onghe ongerki ohai mu dimbuluka meemhumbwe deni adishe, osheshi onye omwenyo wOngerki. Jesus oye omwenyo mu nye opo ongerki iholele omwenyo, opo pa pangelwa

kefyo. Nge to tale, ovafita novaevangeiiste, novahongi, nosho tuu. Va fa ovo tava taneke ongerki. Nde mboli hasho naanaa. Ovamati vahapu va shashwa, vamwe vaalukila meongalo va li va shuna monima, nde okeyakulo ashike leni ovayakuli mehalakano, moipondoka, nge tamu yotele pongwena, mu li koshixupulo. Fiyo ongerki otayi ende ina omwenyo womuKristus.

Na, ovamati mehalakano, efimbo lile ove li mehalakano. Manga keumbo tava kala ko efimbo lihupi. Nande tava kala efimbo lile mehalakano, ova xwama oku tuma oiyandjiwamudo ya vo kOwambo. Ova hala omaongalo avo a twikile oshilonga shao. Onda hala oku mu pandula ovamwange eshi tamu futu oiyandyiwamido yeni. Onda li yo nda kundana, ovakulunhu veni mOwambo ova hafifwa kwaashi. Kondjela hano eongalo leni, li mone oimaliwa, opo lifute ovayakuli valo. U kale omuyakuli walo ee. Omwene na kale omwenyo mwoove.

Malakia Hauuanga.  
Tsumeb.

## OTWA DHANA OSHITUTHI SHOKRISMESA

Aamati aakriste twa gongalele pehala limwe. Aakriste yOromakatoli, Anglikana, nAakwaluther, otwa kala pamwe koshipala shaKalunga. Otwa pulakene omahokololo nomapopitho gaamati mboka ya li nasha shokupopya.

Omunitagongalo S. Ndatipo e tu kundu noohapu dhi li muLukas 2:10-14. Osho tatu dhiladhila ookrismesa ngapi twa dhana mokukalamwenyo kwetu nookuume yangapi twa kaniitha omumvo 1967. Opo twa dhimbulula esilohenda lyaKalunga enene lye tu hambata sigo omOkrismesa yomumvo 1967. Kalunga na hambelelwe.

M. Nekundi Shifugula.

## OKANONA KOFIYO

KAAPSTAD.- Okaana Jonatan van Wyk, okambatili keedula 10, oka tandwa ka kufwa ofiyo nde oka tandwa ofiyo nde oka tulwa imwe. Vati oke li nawa nde oke li pokulekelwamo moshihakulilo. Oka tandelwa moshihakulilo Karl Bremer-Hospitaal muKapstad.

## PAMWE OMUPRESIDENDE MUPE

Ope nomafaneko kutya, pamwe omushamane Jim Fouché oye ta ka hogololwa omupresidende waSuid-Afrika mokulandula nakufya Dönges.

## 13 OYA SI KOMULILO

NEW YORK.- Aantu 13, mu nuunona omugoyi, oya si sho omulilo gwa fike ofabulika yoombapila nogwa yi sigo omongulu mu naantu. Aantu 20 oye ehamekwa nayatatu kaa wetike, ihe pwi inekeliwa nayo oya sa.

## OHANDI PANDULA

Ovamwameme ovaleshi vOmukwetu, ohandi mu pandula. Onda mona eembilive dihapu tandi halele nge ouwa mOmudo Mupe, vahapu va nyolela nge ame mwene ile va tumina nge omaano asha. Vamwe va talela nge po meumbo osho nosho. Vahapu vali ova tuma omahaleloyambeko koshilonga ashishe shenyanyangido loinyolwa youkriste. Vamwe va tumina nge vali omaano Okrismesa. Omayambeko oo mwa halela nge nde mwe a halela oshilonga shetu ashishe, naame oo yo nde mu halela amushe. Ovo mwa tumina nge omaano mOkrismesa, "kulupeni nomesho, omayoo hinga ndi mu taafinina.

Osho twa pewa vali omudo mupe oshali. Tu kalenimo hano nombili. Tu filafaneni onghenda nde tu hepaululilafaneni omatimba. Tu taaleleni kuKristus mwaishe, osheshi oye Tate nde oye meme.

L. M. Shemuvalula.

## OSHITUTHI MOSKOLA YIILONGA YIIKAHA

Esiku eti - 5 lyaDesemba lya li esiku lyenyanyu nolyehambeleso moskola yiilonga yiikaha (Handwerk-skool) kOlukonda, oshoka ya piti nawa omumvo gwotango moshilonga shayo. Epangelongerki alihe lyiithanwa moshituthi nosho wo aayenda yamwe, opo ayehe mboka ya nya-nyukwe pamwe naalongi naalongwa, mboka ya kala omumvo ngoka moskola.

Omukuluntu gwoskola, meme Johanna Auene'a tamekitha oshituthi noohapu dhomahambeleso nodhompandulo, oshoka Kalunga okwe ya humbata omumvo aguhe nokwe ya piitha nawa muudhigu wi ili nowi ili we ya adha pethimbo lyoskola

Omusitagongalo gwokOlukonda Johannes Gweendama okwa dhimbulula, oskola ndjoka nkene ya eta megongalo alihe omayambeko omnene. Onke ano a nyanyukwa, sho ye nompito ya tya ngaka oku yi kalekela megongalo lyawo. Iilyo yiilwe yEpangelongerki ya eta wo shoka sha li moomwenyo dhawo. Omutonatelishitayingerki gwokUuninginino, Jason Amakutuwa okwa tsumukumo aana-skola moku ya dhimbulutha nkene Ombimbeli tayi ti: esilohenda lyaKalunga tali landula ngoka ti igandja mewiliko lyaKalunga.

Omukuluntutumwa A. Eirola okwe tu dhimbulutha nkene tu li peha eyapuki kOlukonda. Oskola ya pewa ehala ewanawa lyu udha omandhindhiliko geyambeko lyaTate Kalunga okuza kuNakambale Kanene, tatekulu Martin Rautanen, sigo kaatumwa aape naagundjuka. Oye a li omuntu gwegalikano, natse wo twi ithanenwa oshilonga shoka oshinene noshiyapuki ngaashi shokulongela ongerki yetu niikaha yetu.

Ekundo lyomumbisofi lya yebele ombinga ndjoka miilonga yiikaha nomeyakulo lyoompadhi, tatu yi dhimbwa olwindji. Ohatu dhiladhila aavithi yoohapu oya pewa oshilonga sha simana. Eeno, oya pewa. Ihe oshilonga kehe shi thike pamwe koshipala shaKalunga. Ngaashi aavithi taa pumbwa Ombepo Ondjapuki noondunge nomayekele opo ya adhe oomwenyo dhaapulakeni, osho wo aayakuli yalwe momagongalo, ngaashi mboka taa longo iilonga yiikaha, opo ya wape okuyakula ongerki yawo. Et. Epe tali popi nkene aaya-



*Aalongwa otaa longwa okutunga iitungwa yomaludhi.*

kuli ya tya ngaka ya hogololwa po: Oyo yu udha Ombepo Ondjapuki nuunkulungu.

Aayakuli miilonga yi ili noyi ili oya pumbwa Ombepo yaKalunga ya pumbwa oondunge nomayekele nuunkulungu auhe. Ongerki yomOwambokavango tayi pumbwa aayakuli ya tya ngaka, noskola ndjoka tayi ya longekidhile oshilonga shawo oshinene. Oomboka kaye nuuyekele wa gwana momitima dhawo, otaa vulu okudhina omayakulo ga tya ngaka.

Kuku Aina Auala okwa eta omakundo ga zi kuSoomi, moka a mono ompito okutalela po ooskola dha tya ngaka, moka aagundjuka, aakadhona naamati taalongwa opo ya ninge shili aalongi yiilonga yiikaha. Oye okwa kumwa olwindji, oshoka oongulu oonene dhu udha iilonga yiikaha yoopala, yoopalelela, ngaashi iifolomwa niitungwa niitungomwa (oombindja noohema noombayikitha n.sh.t.) nomalapi gi ili nogi ili niyata nomakumbyatha sigo..o-sigo komaludhi agehe. Osho wo elalakano lyetu li kale, Aawambo ya mone eputudho lya gwana momalu-

dhi agehe giilonga yiikaha momimvo dhokomeho, oskola ndjika ngele tayi longo notayi humitha aalongwa komeho. Itatu limbililwa; ethimbo lya tya ngaka tali ke ya, Aawamba yo yene ngele taa tonata okudhimbulula nkene taa vulu okutunga nokukoleka ongerki yawo noshigwana shawo a-shihe.

Kuku Helmi Haapanen, ongoka a tamekitha oskola ndjika ombwanawa nokwe yi kondjele omumvo aguhe okwa holola enyanyu lye nokwe tu dhimbulutha kutya, oshilonga shoka tashi yambekwa kuKalunga, kashi shi osima. Aahona aanene yooskola noyepatudho alihe yomiilongo ngaashi yokOvenduka noyaPretoria oya pandula aluhe iilonga yaanaskola yokOlukonda noontungwa dhawo. Oya kaleke oskola noshilonga shayo noohapu nomakwatho omakwawo goku yi humitha komeho.

Aanaskola oya putuka nawa, aayenda ye shi dhimbulula meholoko lyawo nomomikalo dhawo omiwanawa, nosho wo momaimbilo ogendji ye ga imbi nawalele. Oyendji yomuyo ya hala okutsikila omumvo omu-

ti - 2 moskola. Oomboka ya humu nawa komeho, otaa ka pewa ompito ndjoka notaa ka humithwa natanango komeho miilonga yoontungwa ihe miilonga yi ili noyi ili iipelela, opo ya ninge aanandunge miilonga mbika yawo noya wape okuwilika ooyakwawo.

Aayenda ya dhimbulula kutya, oskola ndjika "Handwerkskool" oyo oskolalela. Ando aantu oyendji ye shi dhimbulule, ya pewe omeho okumona, uuyamba u thike peni u li miilonga ya tya ngaka; ehumokomeho li thike peni okuhumitha komeho wo iilonga yi ili noyi ili yiika-ha, tayi tungu notayi koleke omagumbo nomagongalo noshigwana ashike nokuli. Uuwanawa woshigwana nau kondjelwe miilonga ya tya ngaka wo!

Shoka twe shi dhimbulula nepandulo enene nkene pwa yela apehe nokwa dhigininwa eopaleko meni nopondje. Aantu mboka taa kondjele eopalo lyoomwenyo dhawo, taye li kondjele nomomahala wo mpoka haa kala.

Oshituthi sho sha hulithwa kutate J. Gweendama, tse aayenda twa falwa koshililo moka twa paluthwa komalutu niikutya iitoye.

Otatu halele oskola pamwe naalongi naalongwa yayo eyambeko lya-Kalunga.

L. K.

## ENDELELA, TO HUPU KO NENA

Owa uva tuu omulombo, nenge ongoye awike omukwiilongo muJerusalem? Aawambo nani nayo otaa kondjele ehumokomeho. Oskola yetu onene mOwambo, ano Oshigambo Hoerskool oya longitha omutse, etaa toto po ehangano epe. THE OVAMBOKA-VANGO UNITED CLUB. Owe li uva ngaa?

Elalakano lyehangano ndika olya ngaa:

- (i) Ekwatathanolongelokumwe.
- (ii) Ombepo ompe yi penduthwe moshigwana.
- (iii) Okuulukila aakuluntu, nkene aana yawo taa humithwa komeho.

Ehangano ndika otali pangelwa kOmunashipundi omunene gwoClub ayihe, naAmushanga gwe. Olyathikama miitayine:

1. Oshitayi shOndonga
- 2.-, - shUukwanyama
- 3.-, - shUuninginino
4. Oshitayi Club shoko Kavango.

Iitayi ayihe ya tumbulwa mpaka, kehe shimwe oshi na omunashipundi na-



Meme J. Auene ta wilike omulongwa mokutungwa.

Amushanga gwasho. OoAmushanga nAanashipundi yoshitayi kehe oye li melelo lyoMunashipundi omunene naAmushanga omunene gwoClub ayihe. Oli na wo iigandjiwa yomumvo: Kombinga yiigandjiwa otali futwa komumvo R0.70. Ohayi umbu wo oongalo nge tayi gongala pokuma. Ngaashi 1967 oya gongalele muJuli, Aakwanyama omEngela, Aandongo omOniipa nAauninginino omOkahao.

Ehangano ndika otali taamba mboka ye li moHoerskool mOshigambo, mOseminari (mOkahao, Onguediva, Onandjokwe) naanashilonga wo. Ngele pe na ngoka a hala mo, na tume eindilo lye, kuAmushanga omunene gwoClub. Oye Mnr. Emirich Mushaandja, Oshigambo Hoerskool.

Ehangano olya koko oshikumitha tashi nyanyudha. Iilyo yepangelo oya kondo nokuli omathele gaali (200) Noya gongele iimaliwa mbyoka tayi ke ya kwatha momalweendo nomiipumbiwa yi ili noyi ili yehangano.

Kalunga na yambeke ehangano ndika li longe pahalo nopautho lye.

Nd. David s/m na J. Kashea s/m Onandjokwe.

## KIILYO AYIHE YO C.S.V. MUSUIDWES

Ngashingeyi twa tameke ishewe omumvo omupe. Otwa hala natango tu tsikile iilonga yetu yoskola. Otu na natango okutsikila twa papata.

Onda hala ndi mu tseyithile kutya, meme Raija Tuomisto ngoka a ende kooskola dheni okwa yi koSoomi. Okwa hulithapo oshilonga shika. "Otu na okukala iilyo mehanganano lyaa-kristelongwa," osho a ti.

Omumvo gwa piti otwa kambadhala opo ando tu ninge sha mooskola dhetu opo tu gandje uyelele wehangano ndika. Sho ndi shi lwete nandi shi uvite olya fa lya yela nawa kwaayehe. Ngoka u li po waa uviteko, ino i pyakidhila u ye moshinima waashi uviteko mwena owala. Ehangano ndika oli li muuyuni auhe hamuSuid-Afrika ashike.

Etseyitho limwe ondika: Opwa ningwa epulo kongerki olya ziminwa oshoka elalakano lyongerki olya ndyoka okuthikitha ukriste nomaanaskola wo. Epangeloskola lya pulwa wo ihe inali galula natango, oshoka epulo lyayi pehulilo lyoskola. Ondi inekela eyamukulo otali ka kala ewanawa.

Ngoka wa hala okukonakona ombimbeli melaka shaandyoka, onawa ngele to pula Vilho James Auala, Oshigambo Hoerskool P.O. Ondangwa. Kuye oto mono ko oadres. Oto ka tuminwa iileshwa ihe ito futu sha. Iileshwa tayi zi ngaa kuRepublika. Ngoka u li po waa uvite ko nande sha kehangano ndika, onawa ngele to pula omusamane A. Kaulinge, Oniipa P.O. Ondangwa.

Natse wo otatu hulitha po iilonga mbika. Ayihe natu ninge noma galikano opo yi ke ende melandulathano ewanawa. Ondi inekela nuumvo otapu ningwa sha notatu ka mona ishewe aayenda nuumvo taa zi koRepublika ngaashi ya li ye shi uvaneke omumvo gwayi. Inatu kambadhala ando opo tu ninge ehangano lyetu lyiikalela, ihe otwa hala wo uukumwe pokati koostudente dhokomavi galwe.

Tu longeni noonkondo.

W. G. H. Kantalelo.

## OSHILYO SHOSHINGULU SHA TULWA MOMUNHU

LEEDS (England). - Eendokotola muEngland oda kufa okaidilifomutima (hartklep) moshingulu nde ode ka twika komutima womumenhu Harry Holt (43). Harry okwa li ta vele omutima. Okanima oko eshi ka tetwa po nde a tulwa koshingulu, vati okwa kala nawa.

## OTWA KUTHWA OMAPENDA TAA!

Otse Aanguediva otwa kuthwa omapenda ge shi okwiinekelwa, omuvo nguka gwa yi. Okwa li tu nuuyamba uunene, uuyamba owa li wakungulukile mutse yene nomomaluvalo getu, uuyamba mbuka Tate Kalunga eu tu pele owo: Tate Apollos Kaulinge nameme Elina Kaulinge, otwa hala okupandula omapenda ngaka Tate Kalunga e ga longitha oshindji methimbo efupi megongalo lyetu. Meme Kaulinge oye okwa longo oshilonga shuulongi nuupenda mOnguediva, okwi ihepekele ongundu ostanda 111, naanona yetu oya piti nawalela. Otwa hala owala okutya: Meme Kaulinge owa longo oshilonga oshinene taa!

Otse aavali itatu ke shi dhimbwa po nande, unene tse aantu sho hatu dhimbwa; ondi uvite Omuwa ite ke shi dhimbwa nande, oshoka oye keeshi omugoyokithi a dhimbwe ando iilonga yoye we yi longo mOngwediva aawe. Tate Kaulinga Oye omugandji gwoonkundana oombwanawa mongerki yetu, aluhe okutsa aambanda meitalo omukumo, mboka ya shoshoma noya tyololoka notaa hala okugundilapo nokulaadhipaleka aakondjithi ya hwa ma noya tala ondjayi yiita Kristus omusindani.

Tate Kaulinge okwa kala wo omulongi gwoshigongi shaagundjuka mOnguediva, naagundjuka oyendji ya taamba oshindji shoka eshi ya pe moshigongi shawo.

Tate Kaulinge oye pamwe negumbo lye oya tembukile kOniipa noko ya tameka iilonga petameko lyomuvo nguka.

Ev. Ismael Amupolo.

### OMAFANO 1,225 A TUMWA NALE KEDU.

PASADENA. Ovanongonhu ova hovela okukonakona omafano 1,225 oo oshitukidila Surveyor VII sha tumina kedu okudja kohani mafiku aa, eshi sha umbwa kohani nde sha wila ko nawanawa omafiku aa.

Oshitukidila eshi sha wila kohani, oilongifo imwe yasho oya tameka okufa medu kohani nomafano okwa tuminwa kedu. Omafano otaa holola nawa oukwatya wokohani.

Omupopinghundana woilonga yokukonakona kohani okwa ti kutya, oshitukidila osha fa sha wila mekololo, osheshi omafano otamu monika oikulundudu noikulumanya ya ku ghula keembinga.

## WA TAAMBA TUU OMAGANO?

Mpaka opwa thikama omatanga gomalwiimbo, gomomuhandjo gwa Venduka pamwe nomuyevangeliste Simon Shiwagala. Otaa gandja omagano gaKrismesa, goohapu dhaKalunga nomaimbilo, kwaamboka yomomuhandjo gwawo, mboka inaaya dhibbulula omagano gaKrismesa ye ga pewa kuKalunga.

Luk.2:10b: "Enyanyu ndika tali ningi lyaantu ayehe."

Omuleshi omukwetu! Owa taamba tuu omagano ngaka: Jesus Kristus? Hehela Jesus Kristus e ku pe uuyamba woshili nomumvo omupe?

Kokutya, omuntu omupe ngoka ta kala koshipala shaKalunga noku-longela Kalunga muuyuki nomuuyapuki.

Ev. S. Shiwagala.



Aagundjuka muVenduka, unene yomolutenda, ohaa gongala moshigongi shawo mewiliko lyomwevangeliste Simon Shiwagala.

### ETALELOPO LYETU

Meti - 26.11.67. ofye ovanyasha vomoshihakulilo shEngela otwa fikama pamwe nomuwiliki wetu omwevangeliste moshihakulilo eshi tate S. Namunyekwa. Pamwe naye omupangi J. Shekunyenge, omudiakoni T. Munyeku, omufitaongalo J. Mufeti, nomutaleli T. Ndevaetela.

Otwa fikama potundi 8 ongula, okutalela po Oshakati. Otwa fika 9.20. Otwa ya tete ponhele apa hava ongalele, nomeumbo latate Dumeni. Tate Dumeni neumbo laye noneongalo

alishe ovali va hafela etalelopo eli. Momambo otwa yamo 10.30. Eongalo la hovela neimbilo, Omwene tu popifa ofje ovanhu voye medu eli. Eongalo ola li la ongala nawa.

Tate Mufeti a ninga elongelolungu mOshikwanyama. A lesa Joh. 5:22-29. A tumbula etumbulo la fimana kutya: Omutondi oku na omaheko aye aa taheke nao omunhu opo aha ka mone omwenyo. Eongalo laimba eimbilo ekundo lovaenda.

Potundi onhi 12.15 otwa shunamo, oku va pa aka twe ke va twaalala. Tate Dumeni e tu kunda nokwiimba: Tu silohenda Omukulili, tu yemo megulu, tambula, tambula, tambula ovana voye.

Otwa talela po yo ovanaudu. Omwevangeliste S. Namunyekwa ahollola nghe ovanaudu vakwao ve li yo, notava pumbwa alushe eenghono dipe, a lesa Joh.5:24.

Tate T. Ndevaetela ou a li aninga omutameki womaimbilo naakwinya yo, a xulifa nEpsalmi 100.

Otwa pandula omushamane a kufa oshihauto shaye e tu xumbata okudja pootate Dumeni fiyo okoshihakulilo nokwe tu alula vali meumbo latate Dumeni, tate Dumeni neumbo laye ove tu imbila: Efimbo liwa opai-fe okulongela Omwene...

Tameka yo okutalela po neudo ee!

Ponhele yongudu.

Rebekka Shuudifonya.

### TSHOBE OKU LI PENI

ALGERIA.-Okwa kundanwa kutya, pamwe oministeli onkulu yaKongo, omusamane Moise Tshombe, ngoka e li mondholongo muAlgeria ota ka mangululwa mo mondholongo yaAlgeria noku shunithwe kuSpania. Epangelo lyaKongo lya indilile li mu pewe noli ke mu ninge ngaashi lya hala. Olya adhika lye mu tokolela eso. Eindilo lyaKongo inali ziminwa naTshombe ina gandjwa. Okwa kala ngashingeyi oomwedhi mondholongo muAlgeria. Epangelo lyaSpania anuwa olyo lya pula Tshombe a shunithwe kulyo, oshoka okuume kawo. Ope nongundu yimwe natango tayi kondjele Tshombe kaa mone oshiponga. Onkundana ndjika oya holoka moshifo Suidwes-Afrikaner she-ti- 9. 1. 1968.

# OUNYUNI OTAU TONGO SHIKE

## EFUMVIKO LYOMU-SAMANE DONGES



Oshituthi shepako lyanakusa T. E. Dönges, ngoka a li a hogololwa omupresidende gwaSwid-Afrika molandula omusamane Swart, osha ningwa tango muKaapstad. Ipopiwa oya kunwa moradio naantu ayehe muSuid-Afrika, S.W.A. nopondje oya pulakene oshituthi.

Iilyo yepangelo (Kabinet) naanentu yalwe oya kala mefumviko. Ipopiwa ya popilwa tango mongerki die Groot Kerk muKaapstad. Omundohotola A. J. van der Merwe oye a ningi euvitho mokulesha Deutr. 34:4. Iilonga ye yonale nokukala kwe ya tumbulwa nesimano. Kwa kumidhwa omuselekadhi gwe naakwanezimo.

Opwa li oongundu dhaantu, ngaa-shi aasolotati, aahumbati, aahiki, aalilasa noohashikeshike. Efumviko olya ka ningwa muPort Elizabeth, nkoka aakwanezimo ayeke naamboka ya adha po ya gongala okulaleka omuholike gwawo. MuKaapstad nakusa okwa salutwa nokuumba oondjembo nomasaluto gaasolotati. Omusamane Vorster omo wo a li nomusamane Naudé, ngoka a kala omupehayakuli gwanakusa pethimbo lyuuwehame wanakusa, omo wo a li moshituthi.

## OKANONA KA SI MOMEYA

KOES. - Okanona okambaatili oka sile meyemele lyomeya, moka yina ha yogele omalapi. Yina okwa yi meni lyongulu okathimbo, sho a galuka okwa adha okanonakadhona ka tsa omutse meyemele ka sa. Kotokela omeya momayemele nomoombaali pegumbo.

## OUNONA VA FILA METALE

Ounona vavali outilyane muBethania, ova fila metale nde omidimba davo da kaama kombada yomeva, fimbo ina nomukulu ve va kongakonga. Okaana kamwe shiimba oko ka wila mo tete, kakwao shiimba ka kendarabala ka kwafe mukwao nde ka wila mo yo. Osho oluhodi la holoka. Ounona ovomushamane nomukulukadi Van der Merwe muBethania.

## NATANGO OPE NOIKONENE

Pokati kaIsrael naJordan ope nonyakanyaka. Natango otava fenga komauta nombili yaalushe itai shiivika onaini tai ka pangela moilongo oyo ya dingilila omhito yaSuez.

## OMITIMA DOINAMWENYO PAMWE TADI TULWA MOVANHU

Omuprofesori Chris Barnard okwa itavela kutya, omitima deenghima noingulu fiku limwe otadi ka twikwa movanhu ngenge tashi pumbiwa. Ota ti konima yeedula 20 otapu ka tekulwa oinamwenyo ihapu i kalele po etulomitima movanhu netulomo leefiyo.

Barnard nongudu yaye ova tula vali omutima wa kufya mombaati ya fya momutilyane mafiku aa. Osha landula etulomitima laWashkansky. Eshi a pulwa, dr. Barnard okwa popya kutya, etulomo lomutima etivali ola enda nawa shi dule lotete nomutima otau longo nawa. Okudja mongulu yetando ndokotola ou okwa minikwa kovanhu vahapu, tava pandula oilonga yaye younongo.

## OMUTIMA GWOMUNTU PAMWE TAGU KA PUNGULWA MOONDJIMA

KAAPSTA. - Otashi vulika komeho, okupungula omutima gwomuntu mondjima noku gu kuthamo gu longithwe uuna ndoka pwa holoka omuntu ta pumbwa okutsikwa omutima.

## OMUTIMA MUSPANIA

MADRID.- MuSpania oondohotola oya tokola wo ya tande aantu montule nokutsikamo omitima. Oya ti oyi ilongekidha oku shi tameka, ihe ye nomalimbililo ngele aatandwa yotango otaa kala tuu nomwenyo ethimbo ele. Ano oya hala wo ye shi lole.

EWI

LYEVANGELI

MORADIO

Otundi 8.30 ongulohi

Ometa 31



28.1.1968 oVesper Omuudifi N.Shinana


## EFUNDJA OLE UYA PAIFE

Owambo oya lya nale nokuli eeshi neenhangu odo da kala momatale nde da tauka mo odula eshi ya loka neudo. Paife vali efundja, olo hali di komulonga waNghumbi ole uya nde ola yadeka oyana aishe, hai ende efundja.

Omushamane Kaneshuku, womeongalo Ohalushu, okwa ti efiku limwe: "Efundja oli li pongubu yange, onde li mona neeshi onda lya. Kaanave oliyadi eeshi neenhangu." Ovawambo ovo va ama koyana ovo unene hava li eeshi neenhangu, ava ve li mOushilo wOwambo ihava li nawa ombelela oyo, osheshi kOushilo efundja ihali i ko eshi kaku noyana.

## OMINISTELI IPE YAAUSTRALIA

CANBERRA.- Senator John Grey Gorton, (56), oye a ninga oministeli yotete yaAustralia ponhele yomushamane Harold Holt, ou a fya omeva fimbo a li a ka yowa.



Nakufya H.Holt

## JESUS NAXE YOMEULU Jon. 12: 44-47.

Jesus okwa popya mokule a ti: Ou a itavela nge, haame a itavela, ahowe, oyou a tuma nge. Naau a mona nge, oye a monako ou a tuma nge. Ame onde uya ouyelele wounyuni, o-po keshe a itavela nge aha kale momilaulu. Nongenge ope nomunhu ta udu eendjovo dange, ndelene ite di diinine, haame handi mu pangula; osheshi ame inandi uya okupangula ounyuni, ahowe, oku u xupifa.

Ekundo eli ola tuminwa ovaleshi aveshe vOmukwetu mOmudo Mupe komushamane Jonas Shilongo woku-Luderitz.



Jonas Shilongo

## EHUMOKOMEHO OLYA PUMBIWA MUUYUNI AUHE

Aakwetu muSuidwes ayihe nomOwambo wo, shino u wete mefano mu-no, osho etameko lyotango mOwambo. Iihauto mbino oya ziminwa kepangelo lyaWindhoek lyoondjila ndyoka hali gandja oonzapo dhiilonga yihauto lyedhina PADVERVOERRAAD: okukutha aantu ayehe polugumbo lwa S.W.A.N.L.A. mboka haa zi kuTsumeb naGrootfontein, otayi fala kOSHAKATI.

Ano kuume omunashihauto kehe oto tseyithilwa kutya, Aauninginino ayehe oto ke ya londekela kOshakati. Osho wo ayehe mboka to kutha kUuninginino wOshakati, ino ya konditha Oshakati, opo waa taaguluke ompango ngoye u tsakanekwe kaapolosi ya S.A.P. ngoye u ekelehi eliko lyoye miinima yaa noshilonga. Waa kale u shi oto ende ongula, nani ongoye we endwa ongula. Pokati kOndangwa nOshakati opo na omusamane Silas Kuejo. Oye a pewa onzapo ya tokolwa komukuluntu gwaWindhoek eti-4.12.1967 muWindhoek. Onke owe etelwa osheelo kutya, ngele, wa hala okututa aantu, konga onzapo yokututa aantu ngaashi u nonzapo yostora, iilonga ayihe otayi pumbwa oonzapo.

Oto kumagidhwa, ino longa nomeho ga thithikila, u kale wa fa u wete ko nani ku wete ko, tonata, uva ko.

Ofuto yondjila pokati kOndangwa nOshakati oyo 50c niinima ya viha oofunda 50. Endola R1.50, Okambembe R2.00 niinima ya viha oofunda 50. Uunona etata lyomwaalu ngoka. Otatu tameke iilonga mbika 1-2 lyaFebuluali 1968. Iikulu otayi hulu po niipe otayi tameke. Otamu indilwa mu koleke nomagalikano omadhiladhilo ngaka.

Gweni SILAS PH. KUEJO,  
P.O. Box 5, Ondangwa, S.W.A.



Iihauto yaSilas 3 tayi monika mefano ndika.

## AALESHI TAA NYOLA

Ev. P. Eelu, Elim, ota ti: Aakwetu aaholike hamu ya mu lale moombete miipangelo, inamu thiga ko we ombapila dheni dhomagongalo. Manga ino ya koshipangelo, kambadhala wo u pewe ombapila yoye yegongalo, opo u yakulwe nawa kaahungimwenyo moshipangelo moka to ka lala. Dhimbulukweni, ombapila yegongalo inamu yi thiga ko we.

Omumati Mateus Hamukonda, Box 2053, Mariental ota hokolola omumati mukwao omuvale KAVELISHIMWE NGONDO a fila moshihakulilo muMariental. Ava ve mu shii otava shiivifwa ngaha eflyo laye.

J. J. Alukonga, ote tu lombwela ta ti: Efiku laxuuninwa otali uya diva. Oididiliki ya popiwa mOmbibeli ihapu otayi monika nde otai udika paife. Lungama hano u kale we lilongekida. Epangulo otali tu teelee ndele keshe umwe ota pangulwa pailonga yaye.

J. D. Shilomboleni, Tsumeb, ota hokolola ngeyi: Omumati Gerson Shamukwao okwa hulitha uuyenda inaashi tegelelwa. Okwa meneka ongula a yi miilonga ponti- 6. Pontihetatu ohaluka tatu lombwelwa: Gerson okwa gwila mondama yomeya ga fuluka ngoka haga li omamanya gongopolo mo ohamu yi omti dhi ili nodhi ili dhuuzigo. Okwa pi nayinayi. Sho nda yi kuye pontintatu, onda adha kee shi we omuntu inatu popya nokuli naye nopontintano okwa hulitha. Ogwomegongalo lyaNakayale kOmbalantu. Tu longekidheni omagumbo getu. Kalunga na hekeleke aathigwapo ye.

K. P. Ileneus Walvisbaai, pamwe nooyakwawo otaa ti: Etanga oli nokulyatelelwa. Ngele we tu adha tatu li lyata, oto ikwata pomutima. Oli nokugandjathanwa sigo lya hiti mokoola yoyene. Onke tu takamitha.

## OVENDA YOIMUNA

GABERONES.- Eendoosha 9,000 domuti wovenda yeengombe molwomukifi wokomakondo nelaka (bek-enklousee) oda kufwa muGaberones muBotswana nde odatwalwa kuSatu moumbanganhu waBotswana, eshi kwa monika omukifi weengombe wa holoka ko muhapu. Oshitukulwa oshinene nde otashi pula okuvenda kwoimuna kwa kwata monghama.

"OMUKWETU" oha zi mOniipa.- Omukuluntu gwoshifo/ Hoofredakteur: Omumbisofi Dr. Leonard Auala, amushanga gwoshifo/ Redakteur: Leonard M. Shemuvalula, Oniipa, Pk. Ondangwa.- Ondando komumvo mOwambo 60c, mUushimba nOkavango 80c. Oofuto nomambestelo naga tumwe kOmukwetu, Oniipa, Pk. Ondangwa.- Moka hashi nyanyangidhwa: FINSE SENDINGDRUKERY, OVAMBOLAND, S.W.A.